

Bouxlaux mbanj dou cungj yienghneix son lwgnyez: Hag ndei sam bi, hag rwix sam haet.

Song coenz vah neix daj seiziq gou couh dingq bouxlaux gangj lai lo. Miz seiz dingq lai le gou lij yienghneix han bouxlaux: “Gaej gangj baenzlai, gangj lailai gou dingq daengz rwz cungj nuk lo.” Hoeng daengz seizneix gou yaek bienqbaenz bouxlaux le, cij rox daeuq gij eiqsei song coenz vah neix, doengzseiz cij rox vah bouxlaux caen dwg deng lai ak lai. Aenvih gou miz geij boux baengzyoux, seizcoz cungj dwg vunzndei, siengj mbouj daengz gvaq le “sam bi”——Gizsaed dwg gvaq le haujlai bi le, geij boux baengzyoux neix cungj bienq rwix lo.

Raeuz bouxboux cungj miz baengzyoux, hix cungj miz baengzyoux bienqbaenz bouxrwix. Dauhleix neix gou cungj rox, hoeng caen bungz daengz baengzyoux swgheij bienq rwix le, gou lij dwg siengj mbouj daengz! Lijdwg doeksaet yat!

Geij boux baengzyoux gou bienq rwix haenx, miz saek boux guh vunz soqlaiz mbouj gangj liengzsim geijlai, doeklaeng bienqbaenz vunzrwix guh saehrwx mbouj miz maz geizgvaiq, hoeng miz 3 boux baengzyoux ndei vunz youh sienh youh simndei, daengz laeng hix bienqbaenz vunzrwix, gou loq fangzhwnz cungj loq mbouj daengz 3 boux de rox bienq rwix.

Sien gangj boux daih’it gonq. Seizcou ngoenz he haetromh, gou hwnq congz le, raen aen daengngoenz ngamq okdaeu j haenx hoengz

•sanjvwnz•

Baengzyoux Bienq Rwix

朋友变坏

□ Lwg Ndoengcoengz

gyoengqgyoengq, ngoenzneix dienheiq ndei lai, gou hix sim sangj raixcaix. Seizneix soujgih gou yiengj lo. Dienhvah dwg goenglaux bouxsug lajmbanj dwk daeu j, goenglaux neix hai bak couh swenj hwnjdaeu j: “Nuengxiq ha, dai lo dai lo. Nuengxiq gou ra mwngz ciq cienz gvaq lwi? Danghnaeu j mwngz ciq cienz haw j de gvaq, baezneix dainyaengq (dai vunz) lo!”

Vunz ngamq hwnq congz de couh bak haeu gangj dai bae dai dauq, goenglaux neix deng fangz haeu j ndang ha? Nuengxiq de dwg vunz maz? Vihmaz nuengxiq de aeu ra gou ciq cienz?

Nuengxiq de heuhguh Daeg–dungh, gou caeuq Daegdungh dwg baengzyoux ndei. 30 lai bi gaxgonq, gou caeuq de doengz ban doeg siujyoz, gvaqlaeng youh doengzban doeg cunghyoz. Lwgnyez guhdoih bae doegsaw mbouj suenq maz, youqgaen j dwg ranz de doiq ranz gou miz aencingz. Seizhaenx, ranz gou hoj lai, bi lawz daengz sam seiq nyied haeux cungj mbouj doh gwn, daengz

mboengq haenx de cungj rag gou bae ranz de gwn haeuxcuk, yienghneix gou cij mbouj deng dungxiek gvaq donq.

Doeklaeng gou gau j ndae j daihhag, gaendwk youh youq baihrog gunghcoz, de gau j mbou j ndae j daihhag, couh dauqma ndaw mbanj guh hongnaz. Yienznaeu j song dou boux youq Namzningz boux youq lajmbanj, doxgek geij bak leix loh gvae, hoeng dou lij lumj seiziq yienghhaenx guh baengzyoux, lij gingciengz baedauq dem. Cib lai bi gonq, gou bang de youq Liujcouh ra ndae j faenh hong guh, de daiq mehyah caeuq daeglwg caez daengz Liujcouh dajgoeng. Gvaq geij bi le, de naeu j mbou j nyienh bang vunz dajgoeng lo, aeu swgheij guh lau jbanj. Youh gvaq geij bi le, gou bae Liujcouh okcai, de hai gvaq ci gyaueh moq daengz cicamh cie p gou, lij daiq gou bae yaw j aen ranz moq de ngamq cawx ndae j haenx, aen ranz moq de youh hung youh gvangq, miz 4 aen rug, song aen diengzhaex. Youq ndaw singz cawx ndae j ci youh cawx ndae j ranz, baengzyoux gou fatcaiz lo, gou sim–

angq gvaq maz bae. Ndwengonq, de youh dwk dienhvah haw j gou naeu j: “Gou yaek bae Namzningz cawx gvaq ci moq dem, gvaq ci neix Liujcouh mbou j miz gai, aeu 70 lai fanh bw.” Gou dingq le mbou j rox gangj maz ndei, aeu vah mbanj dou daeu j gangj, baengzyoux neix dwg cungj vunz ndaw mingh miz gim, cungj vunz neix siengj mbou j fatcaiz cungj nanz.

Gou ngoenz gvaq ngoenz geq lwgfwngz caj de daeu j Namzningz cawx ci, caj bae caj dauq cungj mbou j raen de daeu j, seizneix dauq cie p ndae j dienhvah daeggo de. Daeggo de naeu j: “Daegdungh famh saeh hung lo, de mbou j rox ndoj bae gizlawz lo, seizneix gungh’anh cingq dauqcaw j ra de aeu gaeb de.”

Laxlawz, Daegdungh dwg famh saeh yaeuh vunz aeu cienz. De yaeuh haujlai baengzyoux caeuq vunzmbanj aeu cienz, naeu j aeu roengzbonj bae guh ranzlaeu j, ngoenzlaeng dauq boiz cienz haw j daihgya aeu beij cienzbonj lai haujlai, de gungh ciq gyoengqvunz 200 lai fanh maenz……

(caengz sat)

Byaek Mbanjranz

家乡菜

□ Cungh Yujingh / 钟汝荆

Vunz naeu j baihnamz raemx lai, mbanj dou hix dwg yienghneix, yienznaeu j giz dou mbou j miz dahhung, hoeng mbanjmbanj miz daemz miz rij, lij miz gij sui jgu hunghung iqiq dem. Doengxhaemh ronghndwen ciuq roengzdaeu j, ciuq ndae j raemxdaemz raemxrij hausak–sak, gyaeunde i raixcaix.

Gyoengq vunzmbanj mai j youq ndaw daemz ciengx bit、ciengx hanq caeuq ciengx bya. Mbangj vunz mbou j miz daemz haenx, hozhaenz dangq–maz, naemj bae naemj dauq, bekbek ndaekga, miz banhfap lo, youq ndaw naz cuengq roengz geij duz bitlwg, daengz ngoenz gvaqciet couh mbou j yungh bae gwnz haw cawx bit ma gaj lo.

Gyawj bya baengh bya, gyawj dah baengh raemx. Ngoenznaengz ndae j–hoengq, vunz mai j haeu j ndaw suenbyaek bae vet geij duzndwen, eu j gyaengh faexsie k ndeu haeu j set bae henz daemz henz rij dinghdingh maeuq saek diemj baj cung nanz, couh mbou j you haemh neix mbou j miz byaek gwn lo. Boux hong nyaengq mbou j ndae jhoengq bae ep bya haenx, siengj gwn bya couh daengz gwnz haw bae cawx, gwnz haw bi daengz byai cungj miz daixbaj bya gai.

Hag lai couh gvai, guh lai couh rox. Gwn bya lai le, vunz hix naemj ok gak cungj fuengfap loengh gwn. Bya iq gangj lai, cien gwn cij baenz; bya hung noh feih van, itbuen caw j dang. Gij neix daihgaiq vunzvunz cungj naemj ndae j daengz. Lij miz boux ngah laeu j haenx, couh mai j guh byaseng.

Yienznaeu j mbanj dou dingzlai vunz mai j gwn byaseng, hoeng bi daengz byai hix mbou j raen vunz loengh geijlai baez daeu j gwn, cawz le bouxgeq. Aenvih guh byaseng gangj vi hix vi——bya caeuq boiqliuh lengq–lengq miz. Gangj nanz hix nanz——guh byaseng aeu yungh haujlai goengfou cij guh ndae j baenz. Heh bya、yot gangj、faeg liuh cungj gig gyanggiu, dingzlai bouxcoz cungj yiemz mazfan z couh mbou j mai j guh.

Bouxgeq guh byaseng couh caixhangz lo. Gyoengq bouxgeq lajmbanj gaenq mbou j bae naz bae reih ngoenznaengz youq ranz mbwq–mbatmbat, couh ngeix loengh gij gwn. Baez ndae j duzbya haemq hung, couh angqfwngfwng dawz ma guh byaseng, iu geij boux beixnuengx baengzyoux caez daeu j gwn laeu j caimax.

Mbanjran miz vunz ciengx bya, cix mbou j raen miz vunz ciengx sae, yienghneix gyoengqvunz ngoenz–



Gofaex henz giuzrin mwncumcum.

naengz mai j gwn bya, mbou j mai j gwn sae. Hoeng lij miz di sae gag sanj gag maj youq ndaw daemz ndaw naz, mwh vunz cuengq daemz cuengq naz, daxmeh cungj bae gip ndae j saek gaen baj sae dauqranz nem byaekgyajlaeu caez caw j dang van sisi, haw j gou yied gwn yied siengj gwn.

Duzbaeu duzugungq hix mbou j miz vunz ciengx, ndaw daemz ndaw naz caemh gag sanj miz, mwh hagdangz cuengqgyaj gyoengq lwgnyez dou ciengzseiz bae gaeb daeu j cau j gwn guhcaemz.

Gizsaed youq lajmbanj dou, lij dwg bitgaeq youqgaen j di. Song cungj noh neix mbou j dandan dwg gij byaek ndei, mwh gvaq ciet lij dwg gij doenghyiengh aeu bae caeq co j. Yienghneix, ranz vunz lajmbanj mbou j miz bya mbou j youqgaen j, hoeng

itdingh aeu miz bitgaeq. Song yiengh noh vunz youh haemq gvae z gwn nohbit, aiq dwg duzbit ngoenzngoenz ndae j roengz raemx dajcaemx, noh de engq nyangq, caemhcai q ndae j gwn bya iq、gwn sae、gwn gungq noh engq van.

Mwh ndwensam, bit baenz duz dumq cug le lij aeu dawz bae gwnz ndoi caeq co j. Caj dauq ranz noh bit caeux caep lo, caiq dwk roengz rek caw j couh mbou j ndei gwn, vunz–mbanj couh ronq ndei noh bit, caeuq makengz makmoizsoemj doxgyaux gwn. “Nohbit makcengz” daegbied ndei gwn, dwg cungj byaekgwn mizmingz mbanjranz he.

Ok baihrog daeu j doegsaw le, gij byaekgwn mbanjranz couh hoj ndae j gwn daengz lo, baezbaez ngeix daengz, cungj gag hozngah gvaq ndwi.